

Eminentissimo Cardinalium Collegio dederat , qui ipsius amplitudinem augerent . At hoc Tibi , *Amplissime Cardinale* , a Deo reservabatur ; ut Tu nimurum laudes omnes Instituti tui supra cæteros extolleret , Te sacra purpura ornatum ostendens , quod ad præsentem nempe diem nullus aliis ex tuis ostenderat .

Si vero ad Gentem tuam me vertam , in ea generis antiquitatem cum sanguinis nobilitate conjunctam , a prisca quoque seculis , invenio . Etenim ab Anno 1240. legitur : *Dominus Pansa Melioris de Guadagnis* , qui fuit ditionis Sancti Martini Dominus ; ut in Archivo Carmelitarum Fesulanæ Civitatis invenitur ; & in ruderibus præfati Castri inspicitur . Scriptores autem observant , quod ab Anno 1010. ; quando nimurum facta est unio inter Fesulanos & Florentinos , majores tui Fesulis discedentes Florentiam inhabitarunt ; & inibi duodecim deinceps Republicæ Confaloneros , & sex Priors , seu libertatis Dominos , habuerunt . Postmodum Mattheus Guadagni , Guelphorum Dux legitur , qui contra Henrici VII. Imperatoris Exercitum strenue pugnans , pro Romani Pontificis incolitate ac potestate , diem obiit extremum .

At non in Italia solum , verum etiam in Galliis Majores tuos invenimus avitæ fortitudinis ac fidelitatis experimenta dedisse . Thomas de Guadagnis , Simonis Filius , Francisco I. Francorum Regi , in Papiensi certamine fortiter ac fideliter , licet infeliciter , administravit ; & in Captivitatis infortunio proprio sumptu eidem adjuvamento fuit . Ex quo factum est , quod subsequentes in Gallia Reges posteris suis ejusdem amoris & generositatis non pauca testimonia exhibuerunt .

Thomam alium de Guadagnis , prioris Nepotem , Henricus II. Avenioni visitavit , ac in Bello Alemanno strenuum habuit adjutorem . Carolus IX. in honore eundem pariter habuit , utpote quia bellum Gallicum proprio sumptu perfecerat ; & Henricus III. Oratorem ad Imperatorem Maximilianum voluit , & inter Spiritus Sancti Equites adnumeravit .

Qui vero Florentiae Guadagni superstites remanserunt ,